

اداره خانه

باب عالی جاده سنده دائره مخصوصه

آبونه سرائطی

ممالك عثمانیه ده سنه لکی (۶۵)، الق
آیلغی (۴۵) غروشدور. ممالك اجنبیه ده
سنه لکی (۱۷)، آلق آیلغی (۹) فرانقندر.
[ایضاحات: نسخه سی الی پاره، آلق
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندر.
§ آدرس تبدیلنده قرق پاره لک
پول کوندرملی در.
§ مسلکه موافق آثار مع الممنونیه
قبول اولنور. درج ایدیلمه یزیر
اعاده اولونماز.

سرایطی

اخطارات

رساله مزدن آلندیغی کوسترملک شرطیه
بتون یازیر ه هانکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولسی و آبونه صره نومروسی محتوی
بولونمسی؟

§

ممالك اجنبیه ایچون آبونه اولانلرک
آدرس لرینک فرانسزجه سی ده یازاسی؟

§

پاره کوندردیکی زمان نه په دائر اولدیغنک
واضحاً بیلدرملسی رجا اولنور.

دینی، علمی، ادبی، سیاسی هفته لک مجموعه اسلامیه در

عدد ۲۵۱

۲۸ رجب شریف ۱۳۳۱

پنجشنبه

۲۰ حزیران ۱۳۲۹

جلد ۱۰

(مواقف) ترجمه سنی کیم باصدیر ؟

عقاید اسلامی به دائر اولان کنابلرک الک معتبر و مهمی (واقف) ناب کباب اولدیغی علمای کرم پیونده متفق میهدر . عربی العبارة اولان بو کتابی نسفته قدر لسان ترکی به ترجمه ایلدم . مسوده اوله رق نزد عاجز مده در . بو ترجمه دن بعض پارچلری ای معاینه علمای کرامدن بعض ذواته عرض ایتدیگمده تحوین و طبع و تعمیمی آرزو پیوردیلر . اشبو ترجمه یی کتدم طبع ایتدیرمیه چک ایسه مده کانه منافی کندیلرینه عائد اولق اوزره طبع ایتک ایتیلرله مجاناً و بلا بدل ترک و مسوده سدن هر بر فوریه به کافی مقدار بی هر فوریه طبع اولدقجه مصحح و تنقا صورتده بالذات بیض و اعطا و بونلرک ختامنده متتاق نصف دیگرینی بعنایته تالی ترجمه یی سعی ایلدی دخی تعهد ایدیورم . بو شرطه نشرینی آرزو پیورن ذوات علی الصراح ساعت اون ایکیدن ساعت ایکیه قدر خانه عاجزی به مراجعت پیورسونلر .

روسیه ده متوطن و لسان ترکی الله متکلم دیندا شلرمزدن بو ترجمه یی اوراده طبع ایلله نشر ایتک ایتیلرله بولدیغی تقدیرده انلره دخی مجاناً اعطا اید چکمی و طالب اوله جق ذراتله تموز غایه سنه قدر کو یشه بیله چکمی بیان ایلرم . درسعاده سلطان بایزید جیرانده صوغان اغا محله سنده بکی زقانه ۱۶ نومردلی خانه ده ساکن

اسماعیل فرید

سیاست

اجمال سیاسی

الیوم بین الملل حیات سیاسی اوچ نقطه ده تمرکز ایتمشدر : لوندره و پارس قونفرانسلی ایلله بالقانلرده . لوندره و پارس قونفرانسلی حرب زائلک نتایجی ایلله اوغراشدینی حالده بالقانلرده یکی بر حربک وقوعی احتمالی انتظار عمومیته نک قسم مهمفی شو نقطه یه جلب ایلله مکده در . حقیقت حالده قونفرانسلی ایلله بالقان احوالی آراسنده غایت صیقی بر رابطه موجوددر .

هر تقدیر مقدمات صلحیه محاربلر طرفندن امضالندی ایسه ده ، لوندره قونفرانسی ایلله پارس قونفرانسنک وظیفه لری شو مقدمات صلحیه ده وضع ایدلمش اولان اساساتک تفرعاتی تعلیق ایتکدن عبارت ایسه ده ؛ هر ایکی قونفرانسنک مساعیسی پک بطی بر حالده ایلرله یور . سببی ده شو قونفرانسلی ایلله بالقان احوالی آراسنده کی ذکر ایتدیگمز رابطه در . کرک لوندره ، کرک پارس قونفرانسلی جدی وقطی بر صورتده ایش کورمه یه و قرارلر اتخاذ ایتیه شروع ایتهدن اول بالقانلر وضعیتک نه شکل و ماهیت آلاجه نه منتظر درلر . زیرا بدیهی در که بالقانلرده ظهور ایده بیله چک غیر منتظر حادثات مذکور قونفرانسلیک بوتون مقرراتی هر آن آلت اوست ایده بیلیر . محاربه نک وقوعی احتمالی ایسه بو قونفرانسلیک موجودیتته و علت تشکله بیله نهایت ویره بیلیر .

بوندن ماعدا : بالقان اغتشاش و تشوشندن طولانی کرک لوندره سفرا قونفرانسنده بالقانچیلری التزام ایدن مرخصه ، کرک پارس قونفرانسنده بونلر بالقان دله کلری تعقیب ایده چکلری خط حرکتی تعینندن عاجز درلر . بونلرک آرالینه دوشمش اولار نفاق و اختلاف کند . یارینک مسائل منازع فیهاده معین بر طریق التزام ایتیلرینه مانع اولیو . بناء علیه هر ایکی قونفرانسنده مرخصلر مسئله لری تعلیق و تعویقه اوغراشه رق لیت و لیل ایلله وقت قازانیه صرفه مساعی ایدیورلر . و بوحال بالقان احوالک کسب و وضع ایتمه سنه قدر امتداد ایده چکدر . بالقانلره کلنجه پک غربیب . امثالی تاریخده پک اندر اولار بر لوحه عرض ایدیورلر . دونکی دو تار و متفق بر بونکون یخی پارلاق . کندیلری طرفندن بیله انتظار ایدلین بر موفقیته و مظفریتک ایکنچی کونی یک دیگرینه قارشى عدومین کسلیدیلر و موفقیته لری بتون نتایجی هنوز اقتطاف ایتهدن غرتلاق غرتلاغه کلمک اوزره درلر ؛ بالقانلرده ساکن اقوامک تاریخى . احوال روحیه سنی بیلنلر ایچون شو حال پک طبیعی کورونه ایدر . بونلر عصرلردن بری یک دیگرینه قارشى درین بر حس نفرت و عداوت بسله یه رک کلشدر . آره لرنده نه مشترک بر دین ، ونه ده قسم اعظمک منسوب بولندیغی عینی عرق بونلری یک دیگرینه ایصندیرمه مشدر . بالعکس مختلط بر حیالک تولید ایتدیکی هر کونکی تماسلر ، تصادفلر حس عداوت و خصوصیتلری ده زیاده تقویه ایلله مشدر . عثمانلی حاکمیتی مدتیجه دولت علیه بتون دقت و وقتى بو عداوت و خصوصیت متقابلله یانفیلرینی اطغایه صرف ایدیوردی . او یله ایکن یه چته رک خونین فعالیتنه ، قتالره ، یانفیلرله نه ایت ویره میوردی . هر عرق دیگر عرقی محو ایتیه چالیشیوردی . بونک ایچون منسوب بولندیغی دینک معبدینه بیله باشقه سنک النده بولندیغی ایچون امرضدن چکنه یورلردی . بو قدر درین و آتشین بر عداوت و خصوصیتله مجهز بولنان اقوامک اتحاد و اتفاقلری خلاف طبیعت ایدی . فقط عثمانلوه قارشى بسله دکلری فرط خصوصیت طولانی ایلله بعضی سیاسون و رجال دولت شویله بر اتفاق و اتحادی تأمین خصوصیت بون قوت و اقتدارلری ایلله چالیشدیلر ، موفق ده اولدیلر . بو اتفاق و اتحاددن کندیلر نهجه پک بیوک منافع انتظار ایدیوردی : بالقان اتحادی و بو اتحاد سایه سنده آوروپای شرقیده عثمانلیق رینه قائم اوله جق قوتک ائتلاف مثله بر ضمیمه اوله جق ظن ایدلیدی و بومناسبتله بر اوقله ایکی هدفه اصابت ایدیله چکدی . بر طرفدن آوروپا دائره سنده حاکمیت اسلامییه نهایت ، دیگر طرفدن ژرمانیزم جریانی اسلاولق قیدی ایچنه آلینه رق قارشینه برسد آهینین چکیله چکدی . فقط بتون شو فرضیاتک صرف بر خولیادن عبارت اولدیغی تا اولدن آشکادی . فی الحقیقه عثمانلوق مغلوب ایدلیدی . آوروپای شرقیده حاکمیت سلامیه یه نهایت ورلیدی . لا کن اوتیه مقصد ، یعنی جرمانیزم سیلابنه قویولا جق سدک بر سراندن عبارت اولدیغی ده تظاهر ایددی .

بالقان اتحاد و اتفاق غیر طبیعی اولدیغی ، منفی بر زمین اوزره تشکل